



hause/ vnd hatte einen Spies in seiner hand/ Dauid aber spielet auff den Seiten mit der hand. Vnd Saul trachtet Dauid mit dem Spies an die wand zu spießsen/ Er aber reis sich von Saul/ vnd der Spies fuhr in die wand/ Dauid aber floh/ vnd entran die selbige nacht.

psal. 59. Saul sand aber Boten zu Dauids haus/ das sie in bewareten vnd tödte Michal.

Sten am morgen. Das verkündigt dem Dauid sein weib Michal/ vnd sprach/ Wirstu nicht diese nacht deine Seel erretten/ so mustu morgen sterben. Da lies in Michal durchs Fenster erinder das er hin gieng/ entfloh vnd entran. Vnd Michal nam ein Bilde/ vnd legts ins Bette/ vnd leget ein Ziegenfell zu seinen heubten/ vnd deckts mit Kleidern zu. Da sandte Saul Boten/ das sie Dauid holeten. Sie aber sprach/ Er ist krank. Saul aber sandte Boten Dauid zu besehen/ vnd sprach/ Bringet in er auff zu mir mit dem Bette/ das er getödtet werde. Da nu die Boten kamen/ sihe/ da lag das Bild im bette/ vnd ein Ziegenfell zu seinen heubten. Da sprach Saul zu Michal/ Warumb hastu mich betrogen vnd meinen Feind gelassen/ das er entrinne? Michal sprach zu Saul/ Er sprach zu mir/ Las mich gehen/ oder ich tödte dich.

Dauid aber entfloh vnd entran/ vnd kam zu Samuel gen Rama/ vnd sagt im an alles/ was im Saul gethan hatte/ Vnd er gieng hin mit Samuel/ vnd blieben zu Naioth. Vnd es ward Saul angesagt/ Sihe

Dauid ist zu Naioth in Rama. Da sandte Saul Boten/ das sie Dauid holeten. Vnd sie sahen zween Chor Propheten weissagen/ vnd Samuel war jr Aufseher/ Da kam der geist Gottes auff die Boten Sauls/ das sie auch weissageten. Da das Saul ward angesaget/ sandte er andere Boten/ die weissageten auch. Da sandte er die dritten Boten/ die weissageten auch.

Da gieng er selbs auch gen Rama/ vnd da er kam zum grossen Brun/ der zu Seku ist/ fraget er vnd sprach/ Wo ist Samuel vnd Dauid? Da ward im gesagt/ Sihe zu Naioth in Rama. Vnd er gieng daselbs hin gen Naioth in Rama/ Vnd der geist Gottes kam auch auff in/ vnd gieng einher vnd weissaget/ bis er kam gen Naioth in Rama. Vnd er zog auch seine Kleider aus/ vnd weissagt auch fur Samuel/ vnd fiel & blos nider den ganzen tag/ vnd die ganze nacht. Da her spricht man/ Ist Saul auch vnter den Propheten?

Michal.
si manitua p...
uilibly a p...
plm ad in a da
fuisser kaminela
fuis deo placans
comig ya hule
habis vly p...
vnt Michal...
alt...
333

David

stiehet fur Saul etc

(Blos)
Nicht das er nach
er gewesen sey son
dern hat die kö
nigliche Kleider
abgelegt/ vnd nur
gemeine Kleider
an behalten/ als
ein ander Mensch.
Vnd fiel nider den
ganzen tag etc.
das ist/ Er bettet
mit jnen vnd/
wenn sie nider sie
len/ fiel er auch ni
der mit jnen.

XX.

David

David
1778